

Takornariartitsisarnermik inuussutissarsiuteqarnermi nunamilu inuussutissarsiuteqarnermi tunisassianik ineriartortitsinermut kiisalu takornariartitsisarnermik inuussutissarsiuteqarnermi taarsigassarsianik allanngortitsisarnermut tapiissuteqartarneq pillugu Namminersornerullutik Oqartussat nalunaarutaat

Takornariartitsisarnermik inuussutissarsiuteqarnerup aamma nunami inuussutissarsiutit siuarsarneqarnissaat pillugu Inatsisartut inatsisaat nr. 14, 12. november 2001-imeersumi § 18 naapertorlugu aalajangersarneqarpoq:

Atuuffia

§ 1. Tunisassianik ineriartortitsinermut aningaasanik tapiissuteqartoqarsinnaavoq, taamatuttaaq ukununnga:

- 1) Tunisassianik ineriartortitsineq ineriartortitseqqinnerlu tamatuma malitsigisaanik tunisassiuernissaq tuniniaanissarlu anguniarlugit.
- 2) Nioqqutissanik, sullissinernik ingerlaatsinillu ineriartortitsineq ineriartortitseqqinnerlu.
- 3) Tunisassiorfinnik, atortunik periaatsinillu ineriartortitsineq ineriartortitseqqinnerlu.
- 4) Tunisassianik, nioqqutissanik, sullissinermik, ingerlaatsinik, tunisassiorfinnik, atortunik periaatsinillu 1-imiit 3-mut taaneqartunik saqqummiussinermut atatillugu tuniniaaneq.
- 5) Misissueqqaernerit siunnerfillit tunisassiamik ineriartortitsiniarluni suliniuteqarnissamut taamatuttaaq pilersaarusiornermut missingersuusiornermullu aalajangersimasumik aalajangiinissamut tunngavissiinissamik siunertaqartut.
- 6) Takornariartitsisarnermik inuussutissarsiuteqarnermi sanaartukkanut aningaasaliissutit.

Imm. 2. Taarssigassarsianik takornariartitsinermik inuussutissarsiuteqarnermut aningaasalersuinikkut tapersiisarneq pillugu Inatsisartut inatsisaat nr. 15, 31. oktober 1996-imeersoq Inatsisatut inatsisaat nr. 12, 11. november 2000-imeersukkut allanngortinneqartoq naapertorlugu taarsigassarsiaritinneqartunik allanngortitsisoqarnissaa neqeroorutigineqarsinnaavoq.

Qinnuteqartumut, suliniutinut suliniutillu allaaserineqarnerannut piumasaqaatit

§ 2. Tapiissuteqarfingineqarnissamut piumasaqaatit Inatsisartut inatsisaanni taaneqartut saniatigut qinnuteqartoq, qinnuteqartup pigisanik akiitsoqarfingineqartunik pissarsinissani kissaatigissaguniuk,

qinnuteqarnermut atatillugu tamanna nalunaarutigissavaa piumasarineqartillugulu pigisat akiitsoqarfingeqarnerannut uppernarsaatissanik saqqummiussissalluni.

Imm. 2. Qinnuteqaateqartup ineriertortitsinermik sulinerup piviusunngortinnejarnissaanut pisariaqartinneqartumik suliamut tunngatillugu tunuliaqtaqarnini uppernarsarsinnaassavaa.

Piumasaqaat taanna naammassisinnaajumallugu qinnuteqartoq ineriertortitsinermik sulinerup taassumaluunniit ilaasa piviusunngortinnejarnissaat pillugu suliffeqarfinnik allanik pisortalluunniit sullissiviinik allanik isumaqatigiissuteqarsinnaavoq.

Imm. 3. Niuernikkut iluaquteqarneq aningasaqarnermut tunngatillugu immikkut piumasaqaatitaqassappat qinnuteqartup uppernarsarsinnaassavaa piumasaqaatit taakku naammassineqarsinnaasut. Piumasaqaatit taakku naammassisinnaajumalligit qinnuteqartoq inunnik allanik suliffeqarfinnilluunniit peqataanissaat pillugu isumaqatigiissuteqarsinnaavoq.

Imm. 4. Qinnuteqartup piumasarineqartillugu pisortatut oqartussaasut akuersissutaat piumasaqaataasut atorfissaqartinneqartullu tamaasa pigalugit uppernarsarsinnaassavaa.

§ 3. Tapiiffingeqarsinnaassagaanni piumasaqaataavoq suliassat suliniutitut aalajangersimasutut, ukiut amerlanngitsut ingerlaneranni suliffeqarfipu unammillersinnaassusianik siuarsaanarluni siunnerfilttut, ilusilersorneqarsimanissaat. Piffissap sivisussusissaanut aalajangersimasumik suliniutigineqartut suuneri apeqquataassapput.

Imm. 2. Tapiiffingeqarsinnaassagaanni piumasaqaataavoq suliassat suliniutip piffissaliussat aalajangersimasut qinnuteqartup Naalakkersuisut Allattoqarfatalu akornanni isumaqatigiissutigineqartut iluanni aallartinneqarnissa naammassiniarneqarnissaalu.

Imm. 3. Suliassamut pineqartumuinnaq tunngatillugu allaaserineqarsinnaassaaq qinnuteqartoq suliniutissatut isumassarsiaminik sumut killissimanersoq aamma naggataatigut anguniagassaq sunaanersoq. Taamatuttaaq naggataatigut anguniagassap anguneqarnissaanut suliassat naammassineqartussatut naatsorsuutigineqartut pilersaarusrorneqarsimassapput.

Qinnuteqaateqartunut takornariartitsisarnermik inuussutissarsiutilinnut immikkut piumasaqaatit

§ 4. Taamaallaat takornariartitsisarnermik inuussutissarsiuteqarnermi tunisassianik ineriertortitsinermut tapiissuteqartoqartarsinnaavoq, tassa tunisassianik ineriertortitsineq takornariartitsisarnermik inuussutissarsiuteqarnerup allatigut ineriertortinneqarneranut tulluutissappat nunallu immikkoortuini sullitassatigut tunngavissalittut ilimanaatilinni takornariartitsisarnermik inuussutissarsiuteqarnermik siuarsaaqataasinaappat. Tunisassianik ineriertortitsinermut tapiissuteqartoqarnissaanik aalajangiinernut sumiiffimmi pineqartumi tunisassiap nutaatut naleqassusianik naliliineq ilaatinneqartassaaq.

*Takornariartitsisarnermik inuussutissarsiuteqarnermi taarsigassarsiaareersunik
allanngortitsisarneq*

§ 5. Qinnuteqartoqarneratigut taarsigassarsiat taarsigassarsianullu qularnaveeqquisiissutit taakkuluunniit ataatsimoortillugit takornariartitsinermik inuussutissarsiuteqarnermut aningaasalersuinikkut tapersiisarneq pillugu Inatsisartut inatsisaat naapertorlugu taarsigassarsiaritinnejarnissaanut allanngortinneqarsinnaapput. Allanngortitsisoqartassaaq taarsigassarsiallip, aningaaseriviup aamma Naalakkersuisut Allattoqarfatalu akornanni isumaqatigiissut tunngavigalugit.

Sulianik ingerlatsisarneq

§ 6. Naalakkersuisut Allattoqarfiat imaluunniit ingerlatseqatigiiffik Naalakkersuisut
piginnaatisissuteqarneratigut suliamik piareersaanissaq pillugu isumaqatigiissuteqarfingineqarsimasoq
suliamik piareersaasassaaq. Tapiissuteqarnissamik neriorsuuteqartarneq, neriorsuutigineqartunik
utertitsisarneq aamma tapiissutinik unitsitsisarneq atorunnaarsitsisarnerluunniit Naalakkersuisut
Allattoqarfiannit aalajangiiffingineqartassapput.

Imm. 2. Suliamik piareersaasoq suliat aalajangersimasut pillugit nipangiussisussaatitaavoq.

*Imm. 3. Qinnuteqaatip suliarineqarneranut atugassatut qinnuteqarluni immersuiffissaq
immersorneqarsimasoq piumasaqaatigineqarsinnaavoq. Immersuiffissat imaluunniit immersuiffissat allat
akueraisasut atorneqalersinnagit Naalakkersuisut Allattoqarfiannit akuersissutigineqassapput.*

*Imm. 4. Qinnuteqarluni immersuiffissaq suliamik piareersaasumut saaffiginnilluni
pissarsiariniarneqarsinnaavoq.*

*Imm. 5. Qinnuteqaatip ineriertortitsinissamik pilersaarut taamatullu tapiissutit qanoq ittut
kissaatigineqarnerannik paassisutissat imarissavai.*

*Imm. 6. Suliamik ingerlatsinermut atatillugu naatsorsuutit atorfissaqartinneqartut, missingersuutit allallu
qinnuteqaammut ilanngullugit nassiunneqarnissaat piumasaqaatigineqarsinnaavoq.*

Tapiissutit amerlassusissaat namminerlu aningaasaliinissamut piumasaqaatit

§ 7. Naalakkersuisut Allattoqarfiannit missingersuutit akuersissutigineqartut naapertorlugit
ineriertortitsilluni suliaqarnermut aningaasartuutit 50 %-ii tikillugit tapiissuteqartoqarsinnaavoq. Sulianut
tapiissutinik aningaasaliineq sioqqullugu suliarineqartunut aningaasartuutit ilanngullugit
naatsorsuusiorneqarsinnaanngillat.

*Imm. 2. Ullormut akuersissuteqarfiusumit ukiut ataasiakkaarlugit tapiissuteqartoqartarsinnaavoq.
Qinnuteqaateqaqqittooqarsinnaavoq.*

*Imm. 3. Ineriertortitsinermik suliaqarnermut aningaasartuutit paasineqassapput suliniummut
aalajangersimasumut aningaasartuutit. Tassa akissarsianut, siunnersortinik ikiorteqarnermut,
angalanermut pisariaqartinneqartunik aningaasatuutit, atortussat, immikkut atortussat aamma
sulinummik aalajangersimasumik misiliinermut aningaasartuutit, § 8, imm. 3 takuuk. Taakkununnga
ilanngullugit naatsorsuusiorneqarsinnaanngillat nalikilliliinernut peqataassutinut aningaasartuutit,
nammineq suliffeqarfimmik ininut aningaasartuutit kiisalu nammineq suliffeqarfimmik nalinginnaasumik
ingerlatsinermut sullissinernullu aningaasartuutit.*

Tapiissutit akiliutigineqartarerat taakkununngalu piumasaqaatit

§ 8. Tapiissutit ineriertortitsilluni suliaqarnerup maannassineqarnerani ataatsimoortillugit imaluunniit
ningaasartuutigineqarsimasunik piffissanut aalajangersimasunut naatsorsuutit nassiunneqartut
tunngavigalugit siumoortitsilluni akiliuteqarallarluni akiliutigineqartarsinnaapput.

*Imm. 2. Naatsorsuutinut tamanut tunngatillugu atuuppoq taakku pissusissaatut
uppernarsaaserneqarsimanissaat. Naalakkersuisut Allattoqarfiat uppernarsaasiisarnermut immikkut
piumasaqaatinik aalajangersasinnavaoq piumasaqaatillu taakku naapertorlugit sulianik piareersaasoq
uppernarsaatissanik pinjarsinnaavoq.*

*Imm. 3. Piffissaq atorneqartoq ingerlaavartumik nalunaarsorneqassaaq, § 7, imm. 3 takuuk.
Missingersuusiornermi taamatullu akiligassat akilerneqarneranni akissarsiat nalunaaquttap akunnerisut
nalunaaquttap akunnermusiamik amerlisarlungit, taamaattoq annerpaamik nalunaaquttap akunneranut*

300,- kr.-lerlugin naatsorsorneqassapput. Sulinummur aningasartuutit allat nalinginnaasumik tassaassapput pisiniarfisartakkanit allanit akiligassiissutit akilerneqarneri.

Imm. 4. Tapiissutit isertitanut akileraarusigassaatitaasunut ilangullugit naatsorsusuusiorneqassapput, isertitanit akileraarutit pillugit Inatsisartut inatsisaanni tamanna pillugu maleruagassat malillugit.

§ 9. Tapiissuteqarfingineqarsinnaassagaanni piumasaqaataasinnaavoq tapiissuteqarfingineqartup ingerlatsinermut atortunik aningasat tapiissutit atorlugit pisiarineqartunik imaluunniit aningaasaliiffingineqartunik pissusissaatut ajutooratarsinnaanermut tillinniarfigitissinnissamullu sillimmasiinissa.

Imm. 2. Naalakkersuisut Allattoqarfiata piumasaqaatigisinnaavaa tapiissuteqarfingineqartup pisariaqartinneqartunik assigiingitsunik sillimmasiinissa.

Nalunaarusiortarnissamik piumasaqaat

§ 10. Naammassiffissaatut isumaqtigiiusutigineqartup kingornatigut kingusinnerpaamik qaammatit pingasunngorneranni, § 3, imm. 2 takuuk, suliamik piareersaasup sulinummur naatsorsuutit sulinummullu nalunaarusiaq tigoreersimassavai. Naalakkersuisut Allattoqarfiat piffissamut killiliussamik sivikinnerusumik aalajangersaasinnaavoq. Nalunaarusiorneq nalunaarusiornermut immersuiffissamik immersuininingorlugu piumasaqaatigineqarsinnaavoq. Immersuiffissat imaluunniit immersuiffissat allat akuerisaasut atorneqalersinnagit Naalakkersuisut Allattoqarfiannit akuersissutigineqassapput.

Imm. 2. Aallaqqammut ineriertortitsinissamik pilersaarummut sanilliullugu annertuunik allanngortoqartillugu suliamik piareersaasumut utimut nalunaaruteqartoqassaaq, § 6, imm. 5 takuuk, taamatuttaaq suliniut naammassineqarsinnaajunnaartutut nalinerneqarpat. Utimut nalunaaruteqannginnerup tapiissutinik unitsitsineq pissarsisinnaajunaarnerluunniit kingunerisinnaavai.

Tapiissutissatut akuerisaareersunik unitsisisinnaaneq

§ 11. Tapiissutissatut akuerisaareersunik akiliuteqarnissaq Naalakkersuisut Allattoqarfiannit unitsinneqarsinnaavoq:

- 1) Suliniut naammassineqarsinnaajunnaartutut nalinerneqarpat.
- 2) Tapiissuteqarfingineqartoq eqqunngitsunik paatsoortitsisinnaasunilluunniit paassisutissiisimappat.
- 3) Tapiissuteqarfingineqartup paassisutissat tapiissuteqarnermut pingarutillit nipangiussimappagit.
- 4) Tapiissuteqarfingineqartoq nalunaarut manna naapertorlugu piumasaqaatinik imaluunniit piffisanut killiliussanik isumaqtigiiusutigineqartunik eqqortitsinngippat.
- 5) Tapiissuteqarfingineqartoq sillimmasiisimanissamik piumasaqaatinik eqqortitsinngippat, § 9 takuuk.
- 6) Tapiissuteqarfingineqartoq piffissami tapiissutit akiliutigineqarfianni Kalaallit Nunaanni tamakkiisumik akileraartartussaatitaanngippat.

Imm. 2. Tapiissuteqarnissamik neriorsuuteqarneq utertinneqarsinnaavoq neriorsuuteqartoqassappat piumasaqaatigineqartussat Naalakkersuisut Allattoqarfiannit piffissaliussanik erseqqinnerusumik aalajangersakkat iluanni naammassineqanngippata.

Immikkut akuersissuteqartarneq

§ 12. Naalakkersuisut Allattoqarfiata immikkut ittumik pisoqartillugu nalunaarummi matumani piumasaqaatit taaneqartut sanioqqussinnaavai.

Atuutilersinneqarnera il.il.

§ 13. Nalunaarut manna 15. april 2002-mi atuutilerpoq peqatigitillugulu Takornariartitsinermik inuussutissarsiuteqarnermi aallarnisaasartunut aningaasalersuinikkut tapersiisarneq pillugu Namminersornerullutik Oqartussat nalunaarutaat nr. 4, 25. januar 2001-imeersoq aamma Tunisassianik ineriertortitsinermut aningaasalersuinikkut tapersiisarneq pillugu Namminersornerullutik Oqartussat nalunaarutaat nr. 36, 29. december 1998-imeersoq atuukkunnaarsinneqarput.

Namminersornerullutik Oqartussat, ulloq 5. april 2002.

Jonathan Motzfeldt

/

Søren Hald Møller

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut